

ՆԻԿՈՂԱՅՈՍ ՄԱՌԸ ԵՎ ՈՒՐԱՐՏԱԳԻՏՈՒԹՅՈՒՆԸ

Պատմ. գիտ. դոկտոր Ն. Վ. ՀԱՐՈՒԹՅՈՒՆՅԱՆ

Նիկողայոս Մառը ուրարտական սեպագրերի առաջին ուսումնասիրողներից է: Գիտության այդ բնագավառին նա նվիրել է զգալի ջանքեր և ժամանակ: Հայտնի են Ն. Մառի թվով 9 հետազոտություններ՝ նվիրված ուրարտական արձանագրությունների վերծանությանը և մեկնաբանությանը: Նրա ուրարտագիտական աշխատությունները շահեկան շատ կողմեր ունեն, սակայն ներանց մեջ, կարծում ենք, առանձնակի հետաքրքրություն են ներկայացնում Սարգուրյան տարեգրության¹, ինչպես նաև ուրարտական վիմագիր այլ արձանագրությունների տեղանունների և ցեղանունների ուսումնասիրությունը, նրանց համադրությունը հետագա շրջանի անտիկ և վաղ հայկական զուգահեռների հետ: Գիտնականի առաջարկած ուրարտա-բյուզանդական և ուրարտա-հայկական տեղանունների ընդհանրությունները մի-մի հենակետ են դարձել ուրարտական տոպոնիմիկայի հետագա զարգացման ճանապարհին, նպաստել մի ամբողջ շարք այլ ցեղերի պատկանող տարածքների տեղորոշմանը:

Ն. Մառի ուրարտագիտական աշխատություններից մեզ բաժանում է պատկառելի յամանակահատված, որի ընթացքում հսկայական նոր նյութ է կուտակվել և շնայած դրան, նույնիսկ բավական սուղ նյութի հիման վրա նրա արած որոշ եզրահանգումներ այսօր էլ պահպանել են իրենց արժեքը:

Հայտնի է, օրինակ, որ ուրարտական սեպագրերում և՛ անձնանունները, և՛ ցեղանունները հանդես են գալիս միևնույն դետերմինատիվով (որոշիչով)՝ ուղղահայաց սեպով, դրա համար էլ նրանք երբեմն շփոթության տեղիք են տալիս: Այդպիսին են եղել մինչև վերջերս Սարգուրյան տարեգրության Աբիանիի, Իրկուաինիի և Ուերդաինիի մեկնաբանության կապակցությամբ տեղ գտած թյուրիմացությունները:

Ժամանակին Ն. Մառը միանգամայն ճիշտ նկատել է, որ Սարգուրյան տարեգրության համապատասխան հատվածում վերոհիշյալ հատուկ անունները անձնանուններ են կամ կառավարիչների անուններ, որոնց իրավասությանը համապատասխանաբար ենթարկվել են էդիանի, Իրուլյանի և Իրդուանի արքայական քաղաքները (URU LUGĀL-nusi)²:

Սակայն հետագա հետազոտողները, որպես կանոն, Աբիանին, Իրկուաինին և Ուերդաինին սխալմամբ համարել են ցեղանուններ և նույնիսկ նրանցից Իրկուաինին, սոսկ արտաքին որոշ նմանության հիման վրա, նույնացրել ուրարտական այլ արձանագրությունների Իրեկուախի-Էրեկուախի ցեղանվան զամ երջրանվան հետ³: Իսկ սույն հոդվածի հեղինակը, իր վաղ շրջանի աշխատություններում, Աբիանին, Իրկուաինին և Ուերդաինին կրկին ցեղանուններ դիտելով հանդերձ, սոսկ կասկածանքով է վերաբերվել Իրկուաինի-Իրեկուախի համադրությանը, ուշադրություն հրավիրելով այն ակնառու փաստի վրա, որ Իրկուաինիի արքայական քաղաքը հանդիսացել է Իրուլյանին, իսկ Իրեկուախիին՝ Լուխիումին⁴:

1 Տե՛ս Н. Марр и И. Орбели. Археологическая экспедиция 1916 года в Ван. Петербург, 1922.

2 Նույն տեղում, էջ 43:

3 Տե՛ս Г. А. Меликишвили. УКН, с. 274—275, 415, 431, 444.

4 Տե՛ս Н. В. Арутюнян. Бнайнили (Урарту). Ереван, 1970, с. 248 и прим. 251.

Հետագայում հայտնաբերված ուրարտական գրավոր աղբյուրները և նրանց հետազոտությունը միանգամայն հիմնավորված դարձրին Ն. Մառի վերոհիշյալ մեկնաբանությունը: Այժմ արդեն կասկածից վեր է, որ Սարգուրյան տարեգրության Աբիանին, Իրկուաինին և Ուերդաինին ոչ թե ցեղանուններ են, այլ անձնանուններ, որ այդ տարեգրության մեզ հետաքրքրող հատվածում իսպառ բացակայում են ցեղանունները կամ երկրանունները և միայն առկա են նրանց արքաների՝ Աբիանիի, Իրկուաինիի և Ուերդաինիի անունները, որոնց համապատասխանաբար պատկանել են էդիանի, Իրույանի և Իրդուանի արքայանիստ քաղաքները: Միաժամանակ պարզվել է, որ այդ քաղաքներից Իրդուան հանդիսացել է Արգիշտի II-ի Սիսիանի նոր արձանագրության Մուլուկու երկրի (նույնական է «Աշխարհացոյց»-ի Մուլկի հետ) արքայանիստ քաղաքը և որ Ուերդաինին էլ այդ երկրի արքան է եղել Սարգուրի II-ի թագավորության օրոք (մ. թ. ա. 764—735 թթ.): Իսկ Սիսիանի նոր արձանագրության մեջ, որի կազմող Արգիշտի II-ը (մ. թ. ա. 713—685 թթ.) արդեն Սարգուրի II-ի թոռն է, Մուլուկու երկիրը, բնականաբար, այլ արքա ունի՝ Ջադինու անվամբ⁵:

Ի դեպ, վերոհիշյալ փաստերի լույսի տակ բավական խոստում է դառնում նաև Սարգուրյան տարեգրության հենց այն հաղորդումը, որ եթե Աբիանի, Իրկուաինի և Ուերդաինի արքաները (հիշենք, որ վերջինս Մուլուկու երկրի արքան էր) հպատակեցվում են համառ մարտերի ընթացքում, ապա Պուկինի(ալխի) քաղաքի արքան (LUGÁL-ni URURuinaiaḫi) պարզապես անձնատուր է լինում և հարկատու դառնում ուրարտական թագավորին խաղաղ ճանապարհով:

Մի խոսքով, երկար որոնումներից հետո ուրարտագիտությունը ստիպված է եղել վերադառնալու Ն. Մառի եզրահանգմանը և Սարգուրյան տարեգրության Աբիանին, Իրկուաինին, Ուերդաինին վտարելու տեղանունների ու ցեղանունների անվանացանկերից և նրանց կայուն տեղ հատկացնելու անձնանունների, այսինքն՝ Ուրարտուին հպատակ մարզերի կառավարիչների ցուցակներում:

Այնուհետև, Ն. Մառը միանգամայն ճիշտ է կռահել, որ Սարգուրյան տարեգրության և սեպագիր այլ աղբյուրների Ուդուրի-էթիունին ըստ ամենայնի տարբեր է էթիունի աշխարհագրական միավորից⁶: Եվ, իսկապես, այժմ արդեն բացահայտված է, որ էթիունի ցեղային մեծ միության լայնատարած տերիտորիան արևմուտքից արևելք ձգվել է, մի կողմից, Սարիդամիշից մինչև Սեվանա լճին արևմուտքից հարող տարածքները, մյուս կողմից՝ մինչև Արովյանի շրջանը (Ուլուանի երկիրը) և Սիսիանի շրջանը (Մուլուկու երկիրը): Իսկ հարավից հյուսիս էթիունյան ցեղային միությունը, ըստ երևույթին, տարածվել է Արաքսի միջին հոսանքից (Ախուրյանի հետ նրա խառնման շրջանից) մինչև Չըլդըր լիճը: Ինչ վերաբերում է Ուդուրի-էթիունի ցեղային միությանը, ապա այն, իր Արկուկինի, Կամանիու, Լուերունիու և այլ ցեղերով, տեղադրվում է Սևանա լճի ավազանում և հարակից տարածքներում:

Ի դեպ, էթիունի և Ուդուրի-էթիունի հավաքական աշխարհագրական միավորների անվանական կապը, ըստ երևույթին, բոլորովին էլ պատահական չպետք է համարել: Հենց Ուդուրի-էթիունիի գրեթե ամբողջ ուրարտական սեպագրերում (I Uduri KUREtiani) հավանաբար վկայում է, որ ի տարբերություն էթիունյան այլ ցեղերի, տվյալ դեպքում մենք գործ ունենք ցեղային այդ միության հենց Ուդուրի ցեղի հետ: Ուստի շատ հավանական է, որ Ուդուրի-էթիունին եղած լինի էթիունյան ցեղային միության տարածման ավելի ուշ

⁵ Այս ամենի մասին մանրամասն տե՛ս Н. В. Арутюнян. Заметки по урартско-эпиграфике.—Древний Восток и мировая культура. М., 1981, с. 76—79; V. Hargouthian. La nouvelle inscription ourartéenne découverte en Arménie Soviétique.—Schriften zur Geschichte und Kultur des alten Orients, 15, Berlin, 1982, S. 93.

⁶ См. Н. Марр и И. Орбели. Указ. соч., с. 45.

շրջանի արեալը: Հենց դրանով էլ երևի պետք է բացատրել նրանց հարևանությունը տերիտորիալ տեսակետից⁷:

Ակադեմիկոս Մառի Ուրարտուի տոպոնիմիկային վերաբերող հաջորդ հայտնագործությունն այն է, որ նա է առաջինը նկատել Qumaha-hali և Qumaha-alhi Կորջորշումների նույնությունը, ինչպես նաև դրանց ընկալումը որպես «կումախցիներ»: Մյուս կողմից, Մառը միանգամայն ճիշտ է մեկնաբանել, որ ուրարտական սեպագրի Qumaha-ն նույնական է անտիկ աղբյուրների Աϋαχαγγ-ի հետ:

Բացի հիշյալ հանգամանքներից, Ն. Մառը միաժամանակ հանգել է համոզիչ եզրակացության այն մասին, որ Սարգուրյան տարեգրության Qumaha-ի և ասորեստանյան սեպագրերի Kum(m)uh-ի տակ ենթադրվում է միևնույն երկիրը, ըստ որում, բնականաբար, համընկնում են նաև նրանցում հիշատակված թագավորների անունները՝ Կուշտաշպիլին Սարգուրյան⁸ և Կուշտաշպին՝ Թիգլաթպալասար III-ի⁹ տարեգրություններում:

Ինչ վերաբերում է Qumaha-Kum(m)uh(hu)-Κομχαγγ-ի տեղորոշմանը, ապա հինարևելյան տոպոնիմիկայի ուսումնասիրության ժամանակակից մակարդակը հնարավոր է դարձնում այն տեղագրել անդրեփրատյան տարածքում՝ Խաթե, Մելիդու-Մելիտեա (այժմյան Մալաթիա), Գուրգում (ասորեստանյան սեպագրերի Marqasu, այժմյան Մարաշ կենտրոնով) երկրների հարևանությամբ:

Qumaha-Kum(m)uh-Κομχαγγ-ի տեղագրման համար անգնահատելի կուլան են ծառայում նաև հետևյալ փաստերը. հիշյալ երկրի ուրարտական և ասորեստանյան սեպագրերում հանդիպող խալպա կամ խալպու քաղաքը (բնակատեղին) համապատասխանում է այժմյան խալֆետին, իսկ Կիշտանը՝ ժամանակակից Կյուշտեմին: Դրանք երկուսն էլ ընկած են Եփրատի ափին, ըստ որում Կիշտանը՝ արևմտյան ափին (Մերզումենի գետաբերանի մոտ), իսկ խալֆետին՝ արևելյան (Բիրեջիկից հյուսիս-արևմուտք): Այս վերջին փաստը վկայում է այն մասին, որ Qumaha-Κομχαγγ-ի որոշ արևելյան տարածքներ, ակնհերևաբար, ընկած են եղել Եփրատի հանդիպակաց՝ ձախ ափին՝ առընթեր շրջաններում¹⁰:

Նիկողայոս Մառը ճիշտ է կռահել նաև Սարգուրյան տարեգրության Qul-ha և անտիկ աղբյուրների Κῶλα-ի, այսինքն՝ «կոլխերի» նույնությունը¹¹:

Ուրարտուի տոպոնիմիկայի հետագա ուսումնասիրությունը համակողմանի հաստատեց Մառի առաջարկած այս համադրությունը ևս: Հայտնի է, որ Սարգուրյան տարեգրության հատվածներից մեկում Կուլխան հիշատակվում է խուշալիսի (resp. խուշանի) գավառի հետ, իսկ վերջինս խորխորյան տարեգրության մէջ, որպես կանոն, հանդես է գալիս Դիաուիսի (ասորեստանյան՝ Դայաե-նի, պատմական՝ Տայք), Տարիունի (պատմական Դարոյնք), Զաբախա (պատմական Զաւախք) երկրների հետ¹²: իսկ Սարգուրյան տարեգրության մի այլ հատվածի համաձայն, Կուլխա երկրի արքայական քաղաքը հանդիսացել է

⁷ Տե՛ս Н. В. Арутюнян. Топонимика Урарту. Ереван, 1985, с. 198—199, 262—263.

⁸ Տե՛ս Н. Марр и И. Орбели. Указ. соч., с. 32, 49—50, 52—53.

⁹ Տե՛ս Р. Rost. Keilschrifttexte Tiglat-Pileasers III. Band I, Leipzig, 1893, S. 12—13, Z. 61—62, S. 14—15, Z. 86.

¹⁰ Qumaha-Kum(m)uh(hu)-Κομχαγγ երկրի տեղագրման մասին մանրամասն տե՛ս Н. В. Арутюнян. Топонимика Урарту, с. 122—123.

¹¹ Н. Марр и И. Орбели. Указ. соч., с. 52—53.

¹² Տե՛ս Г. А. Мелникишвили. УКН, 127, I, стк. 6—9, 128B1, стк. 2—4.

իւղամուշան, որը մասնագիտական դրականության մեջ վաղուց նույնացւել է Արտանուշի (այժմյան Ադակալեի) հետ, որն ընկած է Շորոխի ստորին հոսանքում, այսինքն՝ ուրարտական դարաշրջանի Կատարղա մարզի (պատմական Կղարշքի) տեղիտորիայում: Այս վերջին փաստը, ըստ երևույթին, վկայում է այն մասին, որ Սարգուրի II-ի թագավորության օրոք Կատարղան արդեն պետք է եղած լիներ Կուլխայի կազմում, քանի որ Արգիշտի I-ից (այսինքն՝ Սարգուրի II-ի հորից) հետո Կատարղան ուրարտական սեպագիր աղբյուրներում այլևս չի հիշատակվում: Նույնը կարելի է ասել նաև Դիաուխի-Տայքի մասին, որը ժամանակին Կուլխային հարևան երկիր էր, սակայն Արգիշտի I-ի թագավորությունից հետո ուրարտական աղբյուրներում դարձյալ չի հանդիպում:

Այսպիսով, ելնելով վերոհիշյալ տվյալներից, ուրարտագիտությունը այժմ լիովին արդարացի է համարում Ն. Մառի եզրահանգումը, և Սարգուրյան տարեգրության Qulha-ն նույնացնում է անտիկ աղբյուրների Κούλη-ի, վաղ հայկական Կողքիսի, վրացական Կուլխեթիի հետ և տեղադրում այն Սև ծովի հարավ-արևելյան անկյան մոտ:

Ուրարտուի տոպոնիմիկայի ուսումնասիրության բնագավառում ակադեմիկոս Մառի հաջորդ կարևոր նորամուծությունը Սարգուրյան և հորիսորյան տարեգրությունների Abiliani-ի և վաղ հայկական Աբեղեանքի նույնացումն է¹³, ՀՍՍՀ ԳԱ ակադեմիկոս Գր. Ղափանցյանը իր աշխատություններից մեկում հատուկ ընդգծում է, որ այս կարևոր եզրահանգումը պատկանում է Ն. Մառին և ոչ միայն հավանություն է տալիս, այլև աշխատում լրացուցիչ փաստերով հիմնավորել այն¹⁴: Եվ իսկապես, ուրարտական սեպագիր աղբյուրների մատուցած նյութերը բազում ապացույցներ են պարունակում Ն. Մառի առաջարկած Abiliani-Աբեղեանք համադրությունը հաստատելու համար: Զիշտ է, Աբիլիանին և առաջին անգամ հիշատակվում է դեռևս վաղօրոք գիտությունը հայտնի հորիսորյան տարեգրության մեջ, սակայն այդ միակ հիշատակությունը առկա է այսպես կոչված «վերնագրային դեկլարացիայում», որում կողք-կողքի հիշատակված երկրները սովորաբար պատկանում են տվյալ տարում ձեռնարկված տարբեր արշավանքների ու երթուղիների: Հետևաբար, «վերնագրային դեկլարացիայի» տվյալների հիման վրա ամենևին էլ հնարավոր չէ տալ ուրարտական դարաշրջանի գավառների, այդ թվում Աբիլիանիի, տեղորոշումը: Եվ բոլորովին էլ պատահական չէ, որ Abiliani-Աբեղեանք համադրությունը Ն. Մառը առաջարկել է Սարգուրյան տարեգրության շատ ավելի հարուստ տրվյալների հիման վրա: Այստեղ արժե նկատի ունենալ, որ Abiliani երկրանվան կամ ցեղանվան¹⁵ ընդամենը վեց հիշատակություններից հինգը հանդիպում է Սարգուրյան տարեգրության մեջ:

Աբիլիանիի տեղադրման մասին Սարգուրյան տարեգրությունը բավական կոնկրետ տվյալներ է պարունակում, որոնց համաձայն, ուրարտական դորքերը մի անգամ մխրճվել են Աբիլիանիի սահմանները էրիախից վերագարձի (bidušaše) ճանապարհին: Մյուս կողմից հայտնի է, որ էրիախի երկրի (ցեղի) նվաճման մասին պատմում է Արգիշտի I-ի Ղանլիշայի (այժմյան Մարմաշենի) ժայռափոր արձանագրությունը, որը գտնվում է Արփաշայ-Ախուրյանի ձախ ափին, լենինականից մի քանի կմ հեռավորության վրա: Ասվածից հետևում է, որ էրիախի գավառի տեղիտորիան պետք է որոնել լենինականի շրջանում և հարակից տարածքներում, իսկ Աբիլիանին՝ նրանից հարավ, քանի որ, ինչպես հայտնի է, իրենց արշավանքներից մեկի ժամանակ ուրարտացի-

¹³ Н. Марр и И. Орбели. Указ. соч., с. 59.

¹⁴ Ст'ян Гр. Капанцян. Историко-лингвистическое значение топонимии древней Армении. Ереван, 1940, с. 5.

¹⁵ Abiliani-ն ուրարտական վիճակագրում հավասարապես հանդես է գալիս ինչպես երկրանվան, այնպես էլ ցեղանվան դետերմինատիվներով:

ները Աբիլիանիի տերիտորիայում երևացել են էրիախիից հայրենիք վերադառնալու ճանապարհին:

Աբիլիանի երկրի կամ ցեղի զբաղեցրած տերիտորիան որոշելու համար, մյուս կողմից, ուշադրության արժանի են Սարգուրյան տարեգրության մի այլ հատվածի տվյալները, որոնցում Աբիլիանին հիշատակվում է Աբունի երկր-անվան հետ իսկ վերջինս, ինչպես հայտնի է, նույնացվում է վաղ հայկական Հանունիքի հետ¹⁶, որի տերիտորիան ընկած է եղել Աբիլիանի-Աբեղեանքից հարավ-արևմուտք, Արաքսի հանգիստակաց՝ հարավային ափին:

Հետևաբար, վերը բերված փաստական նյութից միանգամայն ակնհեր է դառնում Ն. Մառի տեսակետի իրավացիությունը այն մասին, որ ուրարտական սեպագիր աղբյուրների Abilian-ն իսկապես վաղ հայկական Աբեղեանքն նախատիպն է, ընկած է եղել Արաքսի վերին հոսանքում, նրա ձախափնյա հատվածում, Ախուրյանի խառնարանից արևմուտք:

Արժեք երկու խոսք ասել Ուրարտուի տոպոնիմիկայի վերաբերյալ Ն. Մառի մի այլ առաջարկության մասին ևս, որն առնչվում է սեպագիր աղբյուրների Anaše քաղաքի (բնակատեղիի) և ուշ շրջանի (նաև ներկայիս՝ Ալաշկերտի համադրության հետ:

Անաշեն ուրարտական սեպագիր աղբյուրներում հանդիպում է Իշպուխիի և Մենուալի կողմից համատեղ կազմված երեք արձանագրություններում, որոնք հայտնաբերվել են Վանի Սուրբ Պողոս եկեղեցու պատի արվածքում, Վանից հյուսիս ընկած Հյուսնենց գյուղի Սուրբ Հովհաննես եկեղեցում և Ալաշկերտում, որը գտնվում է Արածանիի վերին հոսանքում, նրա Շարյան-սու վրտակից հյուսիս, այժմյան Կարաբյուսեից (նախկին Աղբիից) հյուսիս-արևմուտք: Ի դեպ, Անաշե քաղաքը հիշատակող այդ արձանագրություններում սովորաբար պատմվում է ուրարտացիների կողմից Ուխտերուխի, Լուշա և Կատարգա երկրների նվաճման մասին¹⁷: Նշենք, որ Անաշեի տեղագրման համար առաջնակարգ նշանակություն ունեն Ալաշկերտում հայտնաբերված սեպագրի տվյալները, որոնց համաձայն, ուրարտական թագավորներ Իշպուխիին և Մենուան մ. թ. ա. IX դարի վերջին արձանագրություն են կանգնեցրել Անաշե քաղաքում (seirli DUB-te LIRUAnašie): Այստեղ նույնքան կարևոր է նաև տվյալ արձանագրության հայտնաբերման փաստը հենց Ալաշկերտում:

Հիշյալ երկու կարևորագույն հանգամանքները Ալաշկերտի արձանագրության հրատարակչին՝ Ն. Մառին իրավացիորեն հանգեցրել են այն համոզիչ կարծիքին, որ ուրարտական սեպագրի Անաշեի մեջ, ըստ երևույթին, կարելի է տեսնել ժամանակակից Ալաշկերտի նախատիպը¹⁸:

Անաշե-Ալաշկերտ համագրությունը հետագայում ընդունել են շատ ուրարտագետներ՝ Կ. Ֆ. Լեման-Հաուպտը¹⁹, Գ. Մելիքիշվիլին²⁰, Ի. Դյակոնովը²¹ և ուրիշներ:

Անաշե-Ալաշկերտ նույնացումը միաժամանակ անհրաժեշտ կոչվան է հանդիսանում ուրարտական արձանագրությունների Ուխտերուխի գավառի տեղագրման, մասնավորապես նրա հարավային սահմանների ճշտման համար:

¹⁶ Տե՛ս Н. В. Арутюнян. Биаинили (Урарту), с. 399—402.

¹⁷ Տե՛ս Г. А. Меликишвили. УХН. 20, 21, 23; F. W. König. Handbuch der chaldäischen Inschriften. Teil I, Graz, 1955 (տե՛քստեր 6, 6a, 6b).

¹⁸ Տե՛ս Н. Марр. Фрагмент халдской надписи из Алашкерта.—Известия РАИМК, 1, № 8, 1920, с. 56—57.

¹⁹ Տե՛ս C. F. Lehmann-Haupt. Corpus Inscriptionum Chaldicarum (տե՛քստ 28: և 4-րդ տողի առթիվ բերված ծանոթագրությունը).

²⁰ Տե՛ս Г. А. Меликишвили. УХН, № 23 и ук. имен, с. 417.

²¹ I. M. Diakonoff, S. M. Kashkai. Geographical Names According to Urartian Texts. Wiesbaden, 1981, p. 8.

Փաստերը վկայում են, որ հենց այդ զավառի տերիտորիալ սահմաններում էլ, ավելի ճիշտ նրա հարավային եզերքին, ընկած է եղել Անաշև-Ալաշկերտը:

Ավելի քան մեկ հարյուրամյակ է անցել ուրարտական սեպագիր արձանագրությունների առաջին վերծանություններից ու հրատարակություններից: Համարյա նույնքան էլ հին է Ուրարտուի առաջին ժիկայի ուսումնասիրությունը, որի ընագավառում գիտությունը զգալի առաջընթաց է ապրել: Այդ առաջընթացի ձանապարհին. ինչպես անսնում ենք, իր ուրույն անդն ունի նաև աղանձիկը Մառը:

Н. Я. МАРР И УРАРТОВЕДЕНИЕ

Доктор ист. наук Н. В. АРУТЮНЯН

Резюме

В статье показан вклад Н. Я. Марра в изучение топонимики древневосточного государства Урарту. В частности, документально аргументируется справедливость следующих заключений ученого: 1) В *Абиани*, *Иркуаши* и *Уэрдашни* следует видеть не названия племен, а имена правителей каких-то стран (областей), царскими городами которых соответственно были Эди(ни), Ируйа(ни) и Ирдуа(ни). 2) Этнуин и Удур-Этнунн—совершенно разные географические единицы, первая из них локализуется начиная с района Сарыжамыша на западе вплоть до западных пределов Севанского озера, а также до Абовянского и Сисианского районов АрмССР на востоке, а вторая—в бассейне озера Севан и на сопредельных территориях. 3) Кумахахал и Кумахалхи Сардуровской летописи, как и Куммух ассирийских клинописных и Коммагена античных источников в долине реки Евфрат, тождественны. Имя царя этой страны, Кушташпили Сардуровской летописи, совпадает с Кушташпи анналов Тиглатпаласара III. 4) Тождественны также область Кулха Сардуровской летописи, Колхида античных, Колхети древнегрузинских и Кохкис древнеармянских источников. 5) Область Абилиани урартских клинописных источников совпадает с древнеармянской провинцией Абегаанк, локализуемой у верховьев реки Аракс. 6) В городе Аняше урартской клинописи следует видеть прототип современного Алашкерта у верховьев Арацани, к северо-западу от Каракёсе.